

# Kado Dlo

Gid pou Tekniksyen sou Tèren

Edisyon 2022

# Kado Dlo

## Gid pou Teknisyen sou Tèren

<b><u>Tab Matyè</u></b>	<b><u>Paj</u></b>
Teknisyen	3
• Profil	3
• Inifòm	3
• Zouti ak ekipman	3
• Salè	4
• Chèf Teknisyen	4
Sistèm filtrasyon	4
• Pyes ak enpòtans yo	4
• Akwatab	5
• Materyel pou bati sistèm filtraj yo	6
• Etap pou bati sistèm lan	6
• Kòman pou w trete dlo	6
• Antretyen ak reparasyon	6
• Lavaj ak netwayaj sistèm lan	6
Aktivite travay	
• Òganize zòn travay ou	7
• Regwoupman	7
• Orè Travay	7
• Distribisyon	7
• Kominikasyon	8
• Envantè	8
• Kòmman	9
• Vizit nan kay la	9
• Rapò	10
Kontwol	10
Revokasyon	10
Final nòt	10
<b><u>Fom Teknisyen</u></b>	
Fòmilè pou pran enfòmasyon sou benefisyè yo	11
Fich vizit jounalye	12
Fich rapò pou mwa	13
Fich Envante Fizik Kado Dlo	14

## Teknisyen

### Profil

- Konplete 5 jou fòmasyon avèk siksè epi sètifye kom yon teknisyen Kado Dlo
- Abite nan zòn lap travay la
- Gen fanmi, kay ak rasin nan kominote kote lap desèvi a
- Gen edikasyon lekòl segondè
- Konn li ak ekri kreyòl
- Kapab kenbe yon orè fleksib pou fè aranjman lè gen move tan, jou konje ak jou mache
- Li dwe genyen ant trant ak karant senk lane
- Li pa dwe fanmi ak yon manm ki nan komite dlo a
- Se yon manm respekte epi yo fè konfyans nan kominote a epi ki konn travay di
- Kapab konprann teknoloji: kapab itilize yon telefòn entelijan (smartphone) ak entènèt la
- Anfòm fizikman: pou li kapab mache ale lwen pou vizite benefisyè yo

### Inifòm

- Chapo baseball enprime ak logo Kado dlo a
- Mayo enprime ak logo Kado dlo a
- Valiz ou ka pote sou do ak zouti epi akwatab
- Jeans oubyen pantalon long, oswa jip long
- Soulye, tenis, oswa bòt

### Zouti ak ekipman

- Valiz ou ka pote sou do . Pyès pou fè reparasyon ak akwatab
- Pads
- Boutèy dlo
- Testè klowòks
- Kle 16mm
- Pens bèk fen epi ajistab
- Pòch kouto
- Tiyo PVC (itilize tiyo a pou retire tchèk vav la nan filtè koton an)
- Kaye ak plim
- Fet pou make nimewo sistèm yo
- Ti liv postè a pou fè ansèyman
- Postè demonstrasyon sistèm lan plastifye

- Katalòg pri pou afiche pri pyès yo byen klè
- Jwèt pou aprann (3 Pil ak TR) Èd pou fè ansèyman
- Ti sak pou jwèt
- Sètifika prèv ou pasipe nan fòmasyon

### Salè

- Chak mwa kantite lajan teknisyen an ap touche a detèmine pa Òganizasyon an patnè a
- Travay 35 èdtan pa semèn ; yo konsideretravay la kòm yon travay a plen tan. Yap fè ajistemansalè pou kantite èdtan total ou travay.
- Yo jeneralman peye teknisyen an apre li fin soumèt rapò travay li chak mwa

### Chèf Teknisyen


- Si gen plis pase twa teknisyen nan yon kominote ta dwe gen yon sipèvizyon siplemantè ki merite, li rekòmande ke yon bon teknisyen monte nan plas yon sipèvizè. Sipèvizè gen pou l:
  - Fè respekte tout gid teknisyen yo
  - Konseye tout nouvo teknisyen yo
  - Jere efikasite teknisyen yo nan fason yap travay, jere envantè ak rapò yo chak mwa
  - Rankontre regilyèman avèk komite dlo lokal la ak lidè kominote a
  - Bay kominote a fòmasyon sou dlo, asenisman ak ijyèn
  - Fè odit regilyèman pou teknisyen yo pandan lap vizite benefisyè nan chak zòn teknisyen yo ap travay
  - Ramase enfòmasyon enpòtan lè li kominike ak teknisyen yo epi nan rapò chak mwa yo soumèt ba li. Kominike enfòmasyon sa yo ak lidè kominote a.
  - Krete rapò chak mwa, dokimante aktivite ki fèt ak teknisyen yo asire ke tout bagay byen kontwole

## **Sistèm filtrasyon dlo Kado dlo a**

### Pyès ak enpòtans yo

- Bokit anle: se ladan l pou fè dezenfeksyon ak filtrasyon dlo a
- Bokit anba: li resevwa dlo ki fin filtre a epi pèmèt li byen estoke
- Kouvèti anle a: pou bouche bokit la pandan dlo a ap dezenfekte
- Kouvèti anba a: li kenbe filtè chabon an
- Bouchon wouj: li bouche filtè koton an pou dlo nan bokit wouj la pa desann nan gri a san l pa filtre
- Filtè koton an: filtre dlo a, li kenbe tout kras ak tout parazit

- Tchèk vav: li anpeche dlo a tonbe lè w mete l nan bokit wouj la
- Kouplè : Li pouse vis al anndan chèk vav la pou pèmèt dlo a desann nan filtè chabon an epi desann nan bokit gri a.
- Sipò fè : li sèvi sipò pou kenbe bokit wouj la sou gri a
- Filtè chabon : li retire move gou nan dlo a epi li kenbe gou akwatab la
- Wobinè : fasilite w pran dlo nan bokit gri a san w pa bezwen ouvè l
- Otokolan ak enstriksyon : li bay enstriksyon sou fason pou w trete dlo nan sistèm lan



### Akwatab

- Itilize pou fè dezenfeksyon dlo a, li tiye viris ak bakteri
- 17mg: Li pipiti e li sèvi pou fè dezenfeksyon nan bokit anba a, li nan yon ti pakèt
- 67mg: Li pi gwo e li vini nan yon gwo pakèt

### Materyèl pou bati sistèm filtraj yo

- Pyès yo: chak sistèm konplè gen youn nan chak: kouvèti bokit anlè, kouvèti bokit anba a, bokit anba, bokit anlè, filtè koton, kap wouj, kouplè, tchèk vav, sipò fè, filtè chabon, wobinè epi otokolan ak enstriksyon
- Zouti ki nesèsè yo : Bout pvc a, pens ajistab

### Etap pou bati sistèm lan

1. Mete tchèkvav ak kap wouj la nan filtè koton an
2. Byen vise filtè koton an nan bokit wouj la, itilize yon pens oubyen yon ajistab pou fè sa
3. Vise filtè chabon an nan kouvèti gri a : mete sipò fè a epi mete kouplè a pou w ka vise l nan filtè a ak nan kouvèti a
4. Byen vise wobinè a nan bokit gri a
5. Mete otokolan an sou bokit gri a nan fas kote wobinè a ye a

### Kòman pou w trete dlo

1. Separe de bokit yo epi ranpli bokit anlè a avèk dlo ou pran nan nenpòt sous ki disponib; li toujou pi bon si w itilize dlo klè
2. Mete yon grenn akwatab 67mg nan bokit anlè a epi tann 30 minit pou l byen dezenfekte
3. Mete yon grenn akwatab 17mg nan bokit anba a pou asire pa gen risk, o ka ta gen yon ti mikwob ki rete nan netwayaj la
4. Konekte bokit yo; Mete bokit anlè chita sou bokit anba a epi tann dlo a fin filtre nèt nan bokit anba a
5. Sèvi ak wobinè a sèlman pou w pran dlo nan sistèm lan

### Antretyen ak reparasyon

- Antretyen jeneral kap gen pou w fè nan sistèm lan: chanje filtè koton an, chanje chabon ak tifla nan filtè chabon oubyen ranplase plaj la nan filtè chabon an, epi, ajiste vis la ak resò a ki nan andedan tchèk vav la; sèvi avèk pens bèk fen an pou fè sa
- Reparasyon kapab nesèsè si gen neglijanans nan fason benefisyè a lan itilize sistèm nan oswa lè filtè a ap pran laj

### Lavaj ak netwayaj sistèm lan

- Itilize sèlman klowòks likid pou lave sistèm lan.
- Itilize yon ti sèvyèt ki pwòp avèk klowòks likid epi pase andedan tou de bokit yo
- Apre w fin netwaye anndan yo, pase deyò bokit yo ak sou wobinè a

- Pa sèvi ak savon , ni likid oswa fab paske yo difisil pou yo rense si yo antre nan filtè yo

## **Aktivite Travay**

### Òganize zòn travay ou

Zòn ki sou responsabilite w:

- Zòn wap opere yo pa dwe lwen kote ou rete
- Teknisyen an dwe abitye avèk zòn travay la avan distribisyon an

### Regwoupman

- Regwoupe sistèm yo nan yon zòn se yon bon estrateji lè wap fè distribisyon .
- Sistèm ki gwoupe ansanm yo pi fasil pou vizite, konsa plis sistèm ka vizite nan yon sèl jou

### Orè Travay

- Enfòmè benefisyè yo davans lè ou gen pou vizite kay yo pou ogmante chans pou w jwenn yo lakay yo
- Ou dwe okouran lè moun yo pap lakay yo tankou jou ferye oswa jou mache oswa jou jèn

### Distribisyon

- Komite dlo a gen responsablite pou chwazi benefisyè yo, men teknisyen an bezwen gen opinyon pa l si toutfwà kritè yo pa respekte

### Anvan distribisyon

- Teknisyen an dwe konnen kay ak adrès kote tout sistèm yo pral plase anvan distribisyon yo. Komite Dlo a ap ratifye lis benefisyè yo
- Asire l ke kay ki nan zòn travay li a regwoupe yo nan yon sèl zòn kote sistèm yo pa lwen youn ak lòt avan l al distribye nan yon nouvo zòn
- Non tout benefisyè yo dwe anrejistre ak nimewo telefòn, epi zòn kote tout sistèm yo ap plase
- Yon sèl sistèm pa fanmi

### Planifikasyon distribisyon

- Chwazi yon kote pou fè distribisyon: Legliz, klinik oswa yon zòn komen
- Envite anviwon 25 benefisyè nan lis la pou vin pran sistèm lan yon fason pou w pa gen difikilte pou fè fòmasyon pou yo. Si w gen 50 sistèm selman distribisyon an ka fèt nan menm jou a, men ap gen 2 reyinyon an 2 gwoup 25 moun.
- Fè repetisyon pou asire w ke tout moun byen konprann kijan yo pral itilize sistèm lan

## Distribisyon

- Montre moun kap resevwa sistèm lan kòman pou yo itilize l epi fè dlo a ladan. Fòmasyon an dwe fèt avan moun yo resevwa sistèm lan sak dwe fèt avan distribisyon an.
- Ranmase frè pou sistèm lan nan men chak benefisyè, jan komite dlo a detèmine epi bay lidè kominote a oubyen komite dlo a lajan an pou yo mete sou yon kont labank pou itilize lè gen bezwen pyès
- Distribye selman sistèm nan kay ki nan lis la

## Touswit aprè

- Vizite chak benefisyè menm semèn yo fin jwenn sistem la epi chak mwa aprè pou asire yo sèvi avèl byen.

## Kominikasyon

### Kado Dlo

- Chak mwa fòmètè Kado Dlo a ap rele teknisyen an pou enfòmè sou kòman travay la ap mache

### Lidèchip Kominote

- Chak mwa rapò travay teknisyen an dwe soumèt bay sipèvizè dirèk ou li
- Ekri remak nan pati anba rapò a

### Chèn Kominikasyon

- Lè teknisyen an bezwen pyès oswa akwatab li dwe kominike ak lidè kominote a. Li vrèman empòtan pou respekte chèn kominasyon an ki mache konsa:
- Teknisyen → Lidè Kominote → Esponsò → Kado Dlo
- Ka gen plis oubyen mwens moun nan chèn lan, tou depan de gwosè kominote a, plis li gwo plis ka gen moun nan chèn lan. Men ke l gen anpil oubyen yon ti kras moun, sa ki pi enpòtan se kominikasyon ak moun ki an chef la konsenan tout bezwen ki genyen nan kominote a.

## Envantè

### Netwaye, òganize, ak sekirize

- Fè aranjman pou nan espas kote pyès yo, founiti, ak akwatab yo fasil pou wè epi jwenn
- Netwaye regilyèman espas envantè a pou tout bagay rete pwofesyonèl
- Sere pyès ak akwatab yo nan yon espas ki an sekirite
- Distribye tablèt akwatab "Premye vini ... Premye Sòti" pou yo pa ekspire pandan yo nan depo a



### Kontwòl ensèk nwizib

- Rat ak ravèt ka detwi atik nan envantè a
- Asire chanm kote pyès yo ye a pa gen twou pou rat yo pa ka antre, lidwe pwòpte regilyèman konsa ensèk yo pap gen kote pou yo rete
- Si ou gen yon pwoblèm ensèk nwizib, pale avèk dirijan de sa pou w konn kisa pou w fè

### Chalè ak lòt eleman

- Sere envantè yo nan yon kote ki fre kote yo pap jwenn chalè oswa move tan pap fè yo anyen
- Si pyès yo oswa akwatab yo ekspoze nan chalè oswa deyò bagay tankou pousyè oswa lapli, ap gen yon efè negatif sou yo

### Envantè fizik

- Konte tout pyès, materyèl ak akwatab
- Kenbe yon dosye ekri sou sa ki nan envantè a
- Le posib, pran yon foto envantè a epi voye l bay esponsò a

### Travay konte envantè

- Lè pyès ak akwatab yo ajoute oswa soustrè nan envantè a, yo bezwen anrejistre sou lis envantè a pou kontaj la toujou egzat

### Kòmman

- Kominike ak lidè kominote a lè envantè a ba ak lè gen bezwen pyès ak akwatab
- Mande pyès ak akwatab pou yon dire omwen 6 mwa

### Vizit nan kay la

- Swiv epi konte tout sistèm nan zòn travay la
- Vizite tout benefisyè nan zòn travay la chak mwa
- Prepare pyès, akwatab, zouti, ak founiti
- Abiye yon fason pwofesyonèl epi trete lòt moun ak respè
- Mande twa kesyon yo pou konnen si sistèm la gen pwoblèm
  - 1) Eske dlo a byen desann ? Pou konnen si gen blokis nan filtè koton, tchek vav, oswa filtè chabon
  - 2) Eske li pa jete dlo ? Pou konnen si sistèm gen pwoblèm fizikman
  - 3) Eske w renmen gou dlo a ? Pou konnen si filtè yo byen fonksone
- Teste prezans / absans klò nan dlo a a chak vizit
- Fè antretyen ak reparasyon si sa nesèsè lè w vizite sistèm yo
- Kontinye motive fanmi yo pou yo itilize sistèm nan pou yo kontinye itilize l kòrèkteman
- Kontinye bay sipò ak edikasyon pandan a chak vizit sou bon fason pou itilize sistèm lan

- Vann pyès ak akwatab yo selon pri komite dlo a oubyen lidè kominote a fikse
- Kenbe dosye yo kòrèkteman

### Rapò

- Modèl rapò yo toujou disponib nan Kado Dlo
- Rapò vizit jounalye yo dwe fè lè teknisyen an fè vizit nan kay yo. Enfòmasyon yo konpile pou kreye rapò pou mwa a
- Rapò mwa sou travay teknisyen an dwe soumèt bay lidè kominote a oubyen komite dlo a chak fen mwa
- Soumèt rapò mwa epi resevwa sale pou mwa an menm tan se pwosesis estanda travay la

### Kontwol

- Chak ane Gift of Water(Kado Dlo) gen plan pou kontwole aktivite travay ou yo
- Kontwol yo fèt pou wè si pwogram lokal la ap byen mache, si teknisyen an ap travay dapre estanda Kado Dlo yo, epi si benefisyè yo trete dlo kòrèkteman nan sistèm lan

### Revokasyon

Ankenn teknisyen pa gen yon travay pèmanan. Li ka pèdi travay li si :

- Li pa remèt rapò
- Li pa tounen kòb pyès ak akwatab ki vann yo
- Lè responsab Kado Dlo yo vin fè vizit sistèm, yo pa byen mache, yo kraze, oubyen yo pa repare
- Li pa respekte kondisyon travay lan

### Nòt otè a

- Jou aprè jou. Chak jou ou ap travay. Planifye epi reflechi sou jou wap travay la davans. Ki kote ou prale? Ki sistèm ou planifye pou vizite? Verifye nan sak ou pou w asire w ke ou gen tout sa ou bezwen: Dlo pou lew swaf , lajan monnen, testè klò, zouti, akwatab ak pyès sa yo.
- Konpetans, kalite, ak atitud yon bon teknisyen dlo. Lè ou antre kay benefisyè yo, li enpòtan pou rete pwofesyonèl avèk yon atitud pozitif. Benefisyè yo ap respekte yon teknisyen ki respekte tèt li ak trete lòt moun ak respè. Respè pral bay Pwogram Dlo a plis enpòtans epi li pral ogmante kantite moun kap benefisye sistèm lan.
- Enpòtans pou rete debouya. Anpil moun bezwen dlo trete ak siksè pwogram Kado Dlo a depann anpil sou kapasite teknisyen an pou l fè djòb li yo korekteman. Dè santèn fanmi konte sou chak teknisyen.
- Itilize resous ou yo. Lidè kominote, komite dlo, ak konseye teknisyen an pou ede lè sa nesèsè.





### Kado Dlo/Gift of Water(GoW)



Fòmilye pou pran enfòmasyon sou benefisyè yo

#	Non ak Siyati	Adres Konplè (yon referans)	#Telefòn	Dat Fòmasyon

	<p><b><u>Kado Dlo/Gift of water (GOW)</u></b>  <b><u>Fich vizit jounalye</u></b></p> <p>Legliz/Kominote/Komin: _____</p> <p>Teknisyen: _____ Dat: _____</p> <p>Telefòn: _____ Sikwi: _____</p>	
---	--	---

		moun	dlo	tès anle	tès anba	# akwatab bay/vann	gen klo	Reparasyon
# sys	non ak siyati	+/-	+/-	+/-	+/-		+/-	Detay

Kado Dlo/Gift of Water (GoW)

**Fich rapò pou mwa**

**Legliz/ klinik/**

**asosiyasyon:** \_\_\_\_\_

**Kominote:** \_\_\_\_\_

**Komin:** \_\_\_\_\_

**Non teknisyen an:** \_\_\_\_\_

**Dat:** \_\_\_\_\_

**Kantite sistèm:** \_\_\_\_\_ **Telefòn:** \_\_\_\_\_

<b>Kantite kay ki vizite</b> (number of houses visited)	
<b>Kantite kay ki pa gen moun</b> (number of houses where there's nobody)	
<b>Kantite sistèm tès bokit anlè pozitif</b> (number top bucket with + test)	
<b>Kantite system tès bokit anlè negative</b> (number of top bucket with – test)	
<b>Kantite sistèm tès bokit anba pozitif</b> (number of bottom bucket with + test)	
<b>Kantite sistèm tès bokit anba negative</b> (number of bottom bucket with – test)	
<b>Kantite kay ki vizite sistèm lan gen dlo</b> (number of houses visited)	
<b>Kantite kay ki vizite sistèm lan pa gen dlo</b> (number of houses where there is no water)	
<b>Kantite sistèm ki repare</b> (number of systems repaired)	
<b>Kantite sistèm ki merite reparasyon</b> (number of systems that need to be repaired)	
<b>Kantite flakon akwatab ki soti</b> (number of packs of aquatabs sold or given)	

**Remak:**.....  
.....

**Siyati sipèvizè/responsab komite dlo:** \_\_\_\_\_

Gift of Water Physical Inventory (Envante Fizik Kado Dlo)
Date (Dat) :
Location (Lokal) :
Persons present (Moun kap fe envante) :

Item (Bagay)	Quantity (Kantite)	Notes (Not)
Top bucket (bokit anlè)		
Top lid (kouvete anlè)		
Bottom bucket (bokit anba)		
Bottom lid (kouvete anba)		
Red cap (kap wouj)		
String fiter (filtè koton)		
Check valve (tchèk vav)		
Coupler (kouplè)		
Metal washer (supò fè)		
Carbon filter (filtè chabon)		
Carbon filter cap (Kap filtè chabon)		
Spigots (wobine)		
Labels for buckets (etiket pou bokit)		
Black retaining filters (plaj)		
Bag of charcoal (sak chabon)		
Aquatabs 17mg packet (flakon akwatab 17mg)		Dat ekspire :
Aquatabs 67mg packet (flakon akwatab 67mg)		Dat ekspire :
Other (lòt bagay) :		
Other (lòt bagay) :		

Siyati.....